

〔續日本紀三五〕寶龜九年正月丁卯、遣從四位下壹志濃王、石川朝臣朝守等、改葬故二品井上內親王。

〔日本紀略桓武〕延曆十九年七月己未、詔曰、略中故皇后井上內親王、追復稱皇后、其墓并稱山陵、

○按ズルニ、井上內親王廢后ノ事ニ就キ、水鏡ニ異說アレド、信ズルニ足ラザレバ、今探ラズ、

〔大鏡裏書〕皇太后宮高子御事、清和天皇后、贈太上天臣長良女、母贈正一位□□□元慶元年正月

十九日爲皇太夫人宮、或中同六年正月七日爲皇太后宮、寬平八年九月廿二日廢后位、同廿三日賜封

四百戶、延喜十年三月廿三日薨、十九年天慶六年五月廿七日追復本位、

后自去宮

〔日本書紀垂仁〕四年九月戊申、皇后穗姬母兄狹穗彥王謀反、欲危社稷、因伺皇后之燕居、而語之曰、汝

孰愛兄與夫焉、於是皇后不知所問之意、趣輒對曰、愛兄也、則詭皇后曰、夫以色事人、色衰寵緩、今天下

多佳人、各遞進求寵、豈永得特色乎、是以冀吾登鴻祚、必與汝照臨天下、則高枕而永終百年、亦不快乎、

願爲我弑天皇、仍取匕首授皇后曰、是匕首佩于細中、當天皇之寢、迺刺頸而弑焉、皇后於是心裏兢戰、

不知所如、然視兄王之志、便不可得諫、故受其匕首、獨無所藏、以著衣中、遂有諫兄之情歟、五年十月

己卯朔、天皇幸來目、居於高宮、時天皇枕皇后膝而晝寢、於是皇后既無成事、而空思之、兄王所謀適是

時也、即眼淚流之落帝面、天皇則寤之、語皇后曰、朕今日夢矣、錦色小蛇繞于朕頸、復大雨從狹穗發、而

來之濡面、是何祥也、皇后則知不得匿謀、而悚恐伏地、曲上兄王之反狀、因以奏曰、妾不能違兄王之志、

亦不得背天皇之恩、告言則亡兄王、不言則傾社稷、是以一則以懼、一則以悲、俯仰哽咽、進退而血泣、日

夜懷悒、無所訴言、唯今日也、天皇枕妾膝而寢之、於是妾一思矣、若有狂婦成兄志者、適遇是時、不勞以

成功乎、茲意未竟、眼淚自流、則舉袖拭涕、從袖溢之沾帝面、故今日夢也、必是事應焉、錦色小蛇、則授妾

匕首也、大雨忽發、則妾眼淚也、天皇謂皇后曰、是非汝罪也、即發近縣卒、命上毛野君遠祖八綱田、令擊

狹穗彥、時狹穗彥與師距之、忽積稻作城、其堅不可破、此謂稻城也、踰月不降、於是皇后悲之曰、吾雖皇